



Árkiivaššennr. 25/3908

Ášši

029/25

Gos

Sámediggeráđđi – dievasčoahkkinnáššit

Áššeovddideapmi

Sámedikki bušehttarámma lea lassánan oktiibuot 82 367 000 ruvnnuin 2025 bušehta ektui. Salderejuvvon 2025 bušehta oktavuodas oaččui Sámediggi 50 000 000 ruvdnosaš liigejuolludusa, mii ii váldojuvvon mielde Sámedikki bušehta meannudeapmái, dannego salderejuvvon bušehta mearriduvvui vahku maŋŋelgo Sámedikki dievasčoahkkinn lei meannudan 2025 bušehta. Sámediggi jugii salderejuvvon bušehta ruđa iežas 2025 reviderejuvvon bušehtas. Go rehkenastit mielde dan, de lea rámma lassánan 3,5 %, go guođdit ráđdehusa merkejuvvon ruđa. Stáhtabušehta haddegoargun lea meroštallojuvvon 3,1 prosentii, juoga mii mearkkaša ahte Sámediggi lea ožžon buhtaduvvot haddegoargjuma ja dasa lassin lea ožžon veahá friddja ruđa. Ráđdehus lea juolludusas várren 2,6 miljovvna ruvnno lahttudat Sálát suohkana sámegielaidda hálddašanguvlui, ja lea addán 7 miljovvna ruvdnosaš ovttageardejuolludusa sámi ealáhusfondii. Juolludusa sámi ealáhusfondii sáhtá sirdit.

Árvvoštallan

Bušehta addá vejolašvuoda muhtun ángiruššamiidda, muhto ii stuora ángiruššamiidda, nugo sámediggeráđđi lei vuordán. Duohtavuoda- ja seanadankommišuvvna raportta oktavuodas lea šaddan čielggas ahte Sámedikki rolla sihke sámi ja dáža servodagas šaddá deháleabbon. Dan dihte lei Sámediggi vuordán eanet ángiruššama sámi servodahkii ja erenoamážit Sámediggái. Sámediggi lea ieš várren ruđa prošehtii mii guoská duohtavuoda- ja seanadankommišuvvna raportta čuovvuleapmái álbmotčoahkkimiiguin ja sámi deaivvadanbáikkiid ásaheapmái, ja maiddáid ođđa Verddekonferánssa lágideapmái.

Sámediggi lea dán bušehtas vuoruhán čuovvolut eanas lasáhusaid mat addojuvvojedje reviderejuvvon bušehtas 2025 njukčamánu. Das addojuvvui lasáhus mángga ohcanvuodt ealáhus- ja kulturdoarjagii, ja maiddáid kultur- ja giellaásahusaide, juoga mii miellidistuvvot eanet doaimmaid servodagas. 2026:s lea Sámediggi ángiruššan giellaguovddážiidda, nugo lohpiduvvon Sámedikki reviderejuvvon bušehtas 2025 njukčamánu. Dasa lassin lea giellaguovddážiid doaimmadoarjaga ollislaš rámma lassánan. Lea maiddáid ásahuvvon sierra ortnet giellaguovddážiid ásaheami vástet. Ođđa ortnega bušehta lea 3,6 miljovvna ruvnno.

Ođđa doarjjamodealla suohkaniid ja fylkkasuohkaniid guovttegielatdoarjagiid váldojuvvo atnui 2026:s. Vuodddoarjja ja ovddidandoarjja -ortnegat suohkaniidda ja fylkkasuohkaniidda leat biddjon oktii, ođđa suohkankategorijat leat ráhkaduvvon ja ortnet lea oktiibuot nannejuvvon váile 8,5 miljovvna ruvnnuin. 2,6 miljovvna das lea ráđdehus várren Sálát suohkana lahttudeapmái sámegielaidda hálddašanguvlui.

Giellalávdegoddi deattuha čielggadusas NAC 2016:18 Váibmogiella ahte dárbbášuvvojat eanet giellageavaheaddjit sihkkarastin dihtii ahte sámegiela seilot. Lávdegoddi čujuha maiddáid váilevaš sámegiela gelbbolašvuhtii almmolaš bálvalusain. Ulbmillaš ángiruššan sámegiela gelbbolašvuhtii lea mearrideaddji dasa, ahte sihkkarastit giela seailuma ja doaimmama servodagas. Earret eará dan dihte lea Sámediggi jagis 2025 lasihan stipeanddaid alitohppui. 2026

bušeahtas biddjojuvvojit alitoahpu guokte stipeandaortnega oktii, poasta lasihuvvo ja biddjojuvvojit odđa vuoruheamit buohccidivššárohppui, dulkaohppui ja sámegiela masterohppui. Sámi guođohanealáhusat, main eallit guhtot meahcis, vásihit stuora hástalusaid boraspirehálddašeami dáfus. Sámediggi oaidná dárbbu loktet dán ášši. Danne lea várrejuvvon 800 000 ruvdno bargojovkui mii galgá evttohit odđa boraspirepolitihka guođohanealáhusaide, mas lea sámi árbevirolaš máhttu vuodđun, ja mii galgá sihkkarastit guoddevaš ealáhusaid ja vuhtiiváldit luondduvalljivuoda ja láhkageatnegahttojuvvon boraspiregeatnegasvuodaid. Sámediggái lea dehálaš ahte mis lea nanu Sámediggi mas demokratiijaovddideapmi lea guovddážis. Danne lea dán bušeahtas nannejuvvon doarjja válдоorganisašuvnnaide ja joavkkuide Sámedikkis. Lea maid várrejuvvon ruhta ásahit sierra kantuvrra Stuoradiggái.

Mearrádusárvalus

Sámedikki 2026 bušeahtta mearriduvvo mildosa vuodul

Sámediggeráđdi – dievasčoahkkináššit_029/25

Sámediggeráđi mearrádusárvalus

Sámedikki 2026 bušeahtta mearriduvvo mildosa vuodul